

# Ukadiriaji wa Hatari ya Moto na Maonyo ya Moto wa Misitu

Swahili | Kiswahili

- **Ukadiriaji wa Hatari za Moto huelezea kiwango cha hatari kinachowezekana ikiwa moto wa msitu utaanza kuwaka.**

Unatoa taarifa muhimu ili uweze kuchukua hatua ya kujilinda wewe na wengine kutokana na athari zinazoweza kutokana na hatari ya moto wa msituni. Unahitaji kuelewa Ukadiriaji wa Hatari ya Moto ili kutathmini kiwango chako cha hatari ya moto wa msituni na kuamua hatua za kuchukua.

## Viwango Vipya vya Mfumo wa Ukadiriaji wa Hatari ya Moto wa Australia (AFDRS) ni:

### Moderate (Wastani): Pangilia na ujitarishe.

Moto mwingi unaweza kudhibitiwa. Pata habari na uwe macho kuangalia moto katika eneo lako.

### High (Juu): Kuwa tayari kuchukua hatua.

Moto unaweza kuwa hatari. Amua utafanya nini ikiwa moto ukianza.

Ondoka maeneo yenye hatari ya moto wa msituni ikiwa ni lazima.

### Extreme (Juu sana): Chukua hatua sasa kulinda maisha na mali yako.

Moto utaenea haraka na kuwa hatari sana. Weka mpango wako wa moto wa msitu katika vitendo.

Ikiwa wewe na mali yako hamjajiandaa kwa kiwango cha juu, panga kuondoka mapema.

### Catastrophic (Janga): Ili uweze kuishi, ondoka maeneo yenye hatari ya moto wa msituni.

Hizi ni hali hatari zaidi kwa moto. Nyumba haziwezi kustahimili moto katika hali hizi na ikiwa moto utaanza na kushika kasi, maisha ya watu yanaweza kupotea. Kaa salama kwa kwenda mahali salama mapema asubuhi au usiku uliopita.

- Wakati kuna hatari ndogo, Ukadiriaji wa Hatari ya Moto utawekwa kuwa '**No Rating**' ('**Hakuna Ukadiriaji**'). Katika siku hizi bado unahitaji kuwa na macho na kutii sheria na kanuni za msimu wa mahali unapokaa.

- **Moto unapoanza, mambo yanaweza kubadilika baada ya dakika chache kwa hivyo ni muhimu kupata habari za sasa kuitia vyanzo rasmi vya habari.**

Wakati wa moto wa msituni, huduma za dharura zitakupa taarifa nyingi iwezekanavyo, lakini hakuna mfumo usioweza kudanganya. Ikiwa unaamini uko hatarini, chukua hatua mara moja ili kukaa salama na usisubiri onyo.

**Ukiona moshi au miali ya moto piga simu kwenye Sifuri Mara Tatu (000) na uweke Mpango wako wa Moto wa Misitu katika vitendo mara moja.**

Viwango vya onyo kuhusu moto wa msituni hubadilika ili kuonyesha hatari inayoongezeka kwa maisha au mali yako, na kupungua kwa muda ulio nao hadi moto ufike.

### Viwango vya onya kwa moto wa misitu ni:

**Advice  
(Ushauri)**



Moto umeanza lakini hakuna tishio la haraka kwa maisha au nyumba.

**Kuwa na ufahamu na kuendelea kupata habari ya sasa.**

**Watch and Act  
(Tazama na Tenda)**



Kuna uwezekano wa tishio kwa maisha au makazi.

**Unahitaji kuondoka au kuwa tayari kujilinda - usisubiri kuona itakuwaje.**

**Emergency Warning  
(Onyo la Dharura)**



Kuna tishio kwa maisha au makazi.

**Uko hatarini na unahitaji kuchukua hatua mara moja ili kuishi.**

**All Clear  
(Yote ni Wazi)**



Hatari imepita na moto unadhibitiwa.

**Jihadharini na uendelee kuwa macho ikiwa hali itabadilika.**

### Mahali pa kupata ukadiriaji na maonyo:

- Dharura (Emergency) WA [emergency.wa.gov.au](http://emergency.wa.gov.au)
- Laini ya Taarifa ya Dharura ya DFES kwa 13 DFES (13 3337)
- Redio ya ABC au 6PR - Marudio ya redio ya karibu nawe
- DFES Facebook [facebook.com/dfeswa](https://facebook.com/dfeswa)
- Twitter wa DFES [twitter.com/dfes\\_wa](https://twitter.com/dfes_wa)



### Fanya mpango

Moto hatari wa misitu unaweza kuanza wakati wowote na unaweza kugeuka haraka kuwa hali ya kutishia maisha yako na wapendwa wako. Usalama wako utategemea jinsi ulivyojiandaa na maamuzi unayofanya.

**Fanya mpango wa moto wa msituni kwa chini ya dakika 15 kwenye [mybushfireplan.wa.gov.au](http://mybushfireplan.wa.gov.au)**



**Kwa habari zaidi tembelea [dfes.wa.gov.au/prepare](http://dfes.wa.gov.au/prepare)**